

TEXT: DANIEL KERN (PYRO)

MUSIK: DJ TRON

**PART 1**

SIE ISCH PÜNKTIG WIE NE SWATCH UHR - PRÄZIS WIE NE KOMPASS  
BEKANNT FÜR IHRI BANKE UND BEKANNT FÜR IHRES GOLD  
SIE HET IN ÖPPE SO VIEL BÜRGER WIE NE URBANI GROSSTADT  
GETRENNT DURCH 4 SPROCHE - AI VOLK  
SIE ISCH NIT WIRKLIG GROSS - EHER KLEIN DOCH OHO  
SIEH GSEHT GÄRN SCHWARZ - KAI KALEIDOSKOP  
DO KANI NIT JEDE WIE DR BLOCHER WOHNE  
SIE LÄBT IM GOLDIGE DREIECK - TOBLERONE  
IHRE MOMENTANE ZUSTAND ISCH WIE OVOLMALTINE  
SIE MEINT SI KÖNNTI ALLES BESSER DOCH SI MACHTS NUR LÄNGER FALSCH  
IHRI POLITIK HET LÖCHER WIENE EMMENTALER KÄÄS  
UND STADT UND LAND SIN SICH FREMD  
MIR SIN DO STOLZ UF DR KANTON UF D STADT UF S GLAI QUAERTIER  
BEGEGNE FREMDE OFT VERHALTE WILL MEH WEISS JO NIE  
MR ZAHLE ALLES VO DE STÜRE WEN DO SCHEISS PASSIERT  
DOCH UNSRI MUURE SIN DR GARTEHAAG - KLEIKARIERT

**REF**

UND EIGENTLIG MAG ICH JO KARO  
UND LEIDER ALLES FASCHT NORMAL SO  
UND IRGENDÖBR SÖTT MOL AFOO  
IRGENDÖBIS Z ÄNDRE – ABER WAS BLOSS ?  
UND EIGENTLIG MAG ICH JO KARO  
UND LEIDER ALLES FASCHT NORMAL SO  
UND EIGENTLIG SÖTT MEH MOL AFO  
DOCH WÄR ISCH MEH ? UND WÄR ISCH ÖBR ?

**PART 2**

UND MIR SIN EINSAMI SPITZE - E INSLE OHNI OZEAN  
E GLAI NATION MITME RIESEGROSSE POTENZIAL  
SO VIEL JUNGI MIT ME KOPF VOLL IDEE  
UND SO VIEL ALTI MIT ERFAHRIGE UND BOCK UM WAS Z LEHRE  
VERÄNDERIG BRUCHT ZYYT... ABER ZYYT ISCH GÄLD  
UND WENS UM GÄLD GOHT UND UM MENSCHEN UND UM D WÜRDE ÜBERHAUPT  
UND WEMR DE ANDRE LÜÜT NÜM HÄLFE WILL MR BLIND SIN FÜR DAS LEID  
ENTSTOHT E ASSOZIALI STIMMIG WO UNS TEILT  
MR LÄBE INNERE ZYYT DO ISCH DAS GIFT WIDR SALONRIIF  
NATIONALISCH, SALAFIST? DAS ISCH DOCH ALLES MIST  
GSEH NID NACH OBE UND UNDE  
GSEH WIDR LINKS ODR RÄCHTS MR SIN AM BODE ABUNDE  
DENE WOS GUET GEIT GIENGS BESSER, GIENGS DENNE BESSER WOS WENIGER GUET GOHT  
HESCHS GFÜEHL DAS DIR MEH AS ANDRE ZUESTOHT  
VERDINGE UNBEQUEMS - SO WIE D RÄCHT VO DE FRAU  
UND ÜBERTRIBES VO BEDÜPFTHEIT IN DE DÄMLIGSCHE FÄLL  
MIR SIN DO STOLZ UF DR KANTON UF D STADT UF S GLAI QUARTIER  
BEGEGNE FREMDEM OFT VERHALTE WILL MEH WEISS JO NIE  
MR ZAHLE ALLES VO DE STÜÜRE WEN DO SCHEISS PASSIERT  
DOCH UNSRI MUURE SIN DR GARTEHAAG - KLEIKARIERT

**REF****PART 3**

ÜBER DE BÄRGE SCHYNT SUNNE IN DE SCHÖNSTE FARBE  
UND TREIT DIE WÄRMI AU IN DIE HÄRZE ÜBERE RÖSTIGRABE  
ALLI DIE WUNDERSCHÖNE DÖRFER UNSRI HÜÜSER UND GRICHT  
TRADITIONE SIN BEWUSST SY - SIN E STÜCK VO DR GSCHICHT  
MIR SIN E MUGGEFURZ - E GLAINE FLÄGG UF EM ÄRDBALL  
LOS UNS S LÄBE BUNT GSTALTE SO WIE D NIKKI DE SAINT-PHALLE  
ÜBERALL GITS NOT - MIR HÄTTE GNUEG IN DR SCHWIIZ  
DRUM LOS UNS FÜRENANDR SORGE SO WIE DUTTI DR RIIS